



金剛般若波羅蜜經論卷上

聲

天親菩薩造

元魏天竺三藏菩提流支譯

法門句義及次第 世間不解離明慧
 大智通達教我等 歸命无量功德身
 應當敬彼如是尊 頭面礼足而頂戴
 以能荷佛難勝事 攝受衆生利益故
 如是我聞一時婆伽婆在舍婆提城
 祇樹給孤獨園與大比丘衆千二百
 五十人俱尔時世尊食時著衣持鉢
 入舍婆提大城乞食於其城中次第
 乞食已還至本處飯食訖收衣鉢洗
 足已如常敷座結加趺坐端身而住
 正念不動
 尔時諸比丘來詣佛所到已頂礼佛
 足右遶三匝退坐一面
 尔時慧命須菩提在大衆中即從坐
 起偏袒右肩右膝著地向佛合掌恭
 敬而立白佛言希有世尊如來應供
 正遍知善護念諸菩薩善付囑諸菩薩
 論曰善護念者依根熟菩薩說善付
 囑者依根未熟菩薩說云何善護念

諸菩薩云何善付囑諸菩薩偈言
 巧護義應知 加彼身同行 不退得未得
 是名善付囑

云何加彼身同行謂於菩薩身中與
 智慧力令成就佛法故又彼菩薩攝
 取衆生與教化力是名善護念應知
 云何不退得未得謂於得未得功德
 中懼其退失付授智者又得不退者
 不捨大乘故未不退者於大乘中欲
 令勝進故是善付囑應知

經曰世尊云何菩薩大乘中發阿耨
 多羅三藐三菩提心應云何住云何
 修行云何降伏其心

尔時佛告須菩提善哉善哉須菩提
 如汝所說如來善護念諸菩薩善付
 囑諸菩薩汝今諦聽當為汝說如菩
 薩大乘中發阿耨多羅三藐三菩提
 心應如是住如是修行如是降伏其心
 須菩提白佛言世尊如是願樂欲聞
 佛告須菩提諸菩薩生如是心所有
 一切衆生衆生所攝若卵生若胎生
 若濕生若化生若有色若無色若有
 想若無想若非有想非无想所有衆

金剛經論卷上 第三張 摩訶般若

生界衆生所攝我皆令入無餘涅槃而滅度之如是滅度無量無邊衆生實無衆生得滅度者何以故須菩提若菩薩有衆生相即非菩薩何以故非須菩提若菩薩起衆生相入相壽者相則不名菩薩

論曰云何菩薩大乘中住問答示現此義偈言

廣大第常 其心不顛倒 利益深心住 此乘功德滿

此偈說何等義若菩薩有四種深利益菩提心此是菩薩大乘住處何以故此深心功德滿足是故四種深利益攝取心生能住大乘中何等為四種心一廣二第一三常四不顛倒云何廣心利益如經諸菩薩生如是心所有一切衆生衆生所攝乃至所有衆生界衆生所攝故云何第一心利益如經我皆令入無餘涅槃而滅度之故云何常心利益如經如是滅度無量無邊衆生實無衆生得滅度者何以故須菩提若菩薩有衆生相即非菩

金剛經論卷上 第四張 摩訶般若

薩故此義云何菩薩取一切衆生猶如我身以此義故菩薩自身滅度無異衆生得滅度者若菩薩於衆生起衆生想不生我想者則不應得菩薩名如是取衆生如我身常不捨離是名常心利益

云何不顛倒心利益如經何以故非須菩提若菩薩起衆生相入相壽者相則不名菩薩故此示現遠離依止身見衆生等相故

論曰自此以下說菩薩如大乘中住修行此事應知

經曰復次須菩提菩薩不住於事行於布施无所住行於布施不住色布施不住聲香味觸法布施須菩提菩薩應如是布施不住於相想何以故若菩薩不住相布施其福德聚不可思量須菩提於汝意云何東方虛空可思量不須菩提言不也世尊佛言如是須菩提南西北方四維上下虛空可思量不須菩提言不也世尊佛言如是如是須菩提菩薩无住相布施福德聚亦復如是不可思量

金剛經論卷上 第五張 摩訶般若

佛復告須菩提菩薩但應如是行於布施論曰偈言

檀義攝於六 資生無畏法 此中一二三名為修行住

何故唯檀波羅蜜名說六波羅蜜一切波羅蜜檀波羅蜜相義示現故一切波羅蜜檀相義者謂資生无畏法檀波羅蜜應知此義云何資生者即一檀波羅蜜體名故無畏檀波羅蜜者有二謂尸波羅蜜攝提波羅蜜於已作未作惡不生怖畏故法檀波羅蜜者有三謂毗梨耶波羅蜜等不疲倦善知心如實說法故此即是菩薩摩訶薩修行住如向說三種檀攝六波羅蜜是名菩薩摩訶薩修行住云何菩薩不住於事行於布施如是等偈言

自身及報恩 果報斯不著 護存已不施 防求於異事

不住於事者謂不著自身无所住者謂不著報恩報恩者謂供養恭敬種種等門如經無所住故不住色等者謂不著果報何故知是不住行於布

施偈言護存已不施防求於異事若
著自身不行布施為護此事於身不
著若著報恩果報捨佛菩提為異義
行於布施為防是行於事不著

自此以下說云何菩薩降伏其心此
事應知云何降伏心名之降伏偈言
調伏彼事中 遠離取相心 及斷種種疑
亦防生成心

此文說何義所謂不見施物受者及
施者偈言調伏彼事中 遠離取相心
故如經須菩提菩薩應如是布施不
住於相想故

次說布施利益何以故此中有疑若
離施等相想云何能成施福彼人如
是布施其福轉多故

次說布施利益如經何以故若菩薩
不住相布施其福德聚不可思量須
菩提於意云何東方虛空可思量不
須菩提言不也世尊如是等何故說

修行後次顯布施利益以得降伏心
故是以次說布施利益此義云何不
住相想行於布施成就義故
自此以下一切修多羅示現斷生疑

心云何生疑若不住於法行於布施
云何為佛菩提行於布施斷彼疑心
經曰須菩提於意云何可以相成就
見如來不須菩提言不也世尊不可
以相成就得見如來何以故如來所
說相即非相

佛告須菩提凡所有相皆是妄語若
見諸相非相則非妄語如是諸相非
相則見如來

論曰偈言
分別有為體 防彼成就得 三相異體故
離彼是如來

此義云何若分別有為體是如來以
有為相為第一以相成就見如來為
防彼相成就得如來身

如經不可以相成就得見如來故何
以故如來名無為法身故如經何以
故如來所說相即非相偈言三相異
體故離彼是如來彼相成就即非相
成就何以故三相異如來體故

如經佛告須菩提凡有所相皆是妄
語若見諸相非相則非妄語如是諸
相非相則見如來此句顯有為虛妄

故偈言離彼是如來示現彼處三相
無故相非相對故彼處生滅住異
體不可得故此句明如來體非有為
故菩薩如是知如來為佛菩提行於
布施彼菩薩不住於法行於布施成
如是斷疑故

自此以下尊者須菩提生疑致問
經曰須菩提白佛言世尊頗有眾生
於未來世末世得聞如是修多羅章
句生實相不佛告須菩提莫作是說
頗有眾生於未來世末世得聞如是
修多羅章句生實相不佛復告須菩
提有未來世末世有菩薩摩訶薩法
欲滅時有持戒修福德智慧者於此
修多羅章句能生信心以此為實

佛復告須菩提當知彼菩薩摩訶薩
非於一佛二佛三四五佛所修行供
養非於一佛二佛三四五佛所而種
善根

佛復告須菩提已於無量百千萬諸
佛所修行供養無量百千萬諸佛所
種諸善根聞是修多羅乃至一念能
生淨信須菩提如來悉知是諸眾生

生淨信須菩提如來悉知是諸眾生

金剛經論卷上 第九張 聲字

如來志見是諸衆生須菩提是諸菩薩生如是無量福德聚取如是無量福德何以故須菩提是諸菩薩无復我相衆生相人相壽者相須菩提是諸菩薩無法相亦非无法相無相亦非无相何以故須菩提是諸菩薩若取法相則為著我人衆生壽者須菩提若是菩薩有法相即著我相人相衆生相壽者相何以故須菩提不應取法非不取法以是義故如來常說筏喻法門是法應捨非捨法故

論曰此義云何向依波羅蜜說不住行於布施說因深義向依如來非有為體說果深義若介未來惡世人不生信心云何不空說為斷彼疑佛答此義

如經佛告須菩提莫作是說乃至非捨法故此義云何偈言

說因果深義 於彼惡世時 不空以有實 菩薩三德備

此義云何彼惡世時菩薩具足持戒

功德智慧故能生信心以此義故名

神七 金剛經論卷上 第十張 聲字

修戒於過去 及種諸善根 戒具於諸佛 亦說功德滿

如經佛復告須菩提當知彼菩薩摩訶薩非於一佛二佛三四五佛所修行供養非於一佛二佛三四五佛所而種善根

佛告須菩提已於無量百千萬諸佛所修行供養无量百千萬諸佛所種諸善根故此經文明於過去諸佛具足持戒供養彼佛亦種諸善根如是次第彼持戒具足功德具足故又偈言

彼壽者及法 遠離於取相 亦說知彼相依八義別

此義云何復說般若義不斷故說何等義明彼菩薩離於壽者相離於法相故以對彼相故說此義偈言依八義別故此復云何依四種壽者相有四種義故依四種法相有四種義故是故依八相有八種義老別故此義復云何偈言

老別相續體 不斷至命住 復趣於異道

是我相四種 是壽者相四種

神八 金剛經論卷上 第十張 聲字

種一者我相二者衆生相三者命相四者壽者相我相者見五陰老別一陰是我如是妄取是名我相衆生相者見身相續不斷是名衆生相命相者一報命根不斷住故是名命相壽者相者命根斷滅復生六道是名壽者相如經何以故須菩提是諸菩薩無復我相衆生相人相壽者相故云何及法偈言

一切空无物 實有不可說 依言辭而說是法相四種

何者是四種一者法相二者非法相三者相四者非相此義云何有可取能取一切法无故言無法相以无物故彼法無我空實有故言亦非无法相彼空無物而此不可說有无故言无相依言辭而說故言亦非無相何以故以於無言處依言相說是故依八種老別義離八種相所謂離人相離法相是故說有智慧

如經須菩提是諸菩薩无法相亦非

無法相无相亦非無相故有智慧便

相老別義故云何示現偈言

彼人依信心 恭敬生實相 聞聲不正取 正說如是取

此義云何彼人有持戒功德依信心 恭敬能生實相是以說彼義故次言 聞說如是修多羅章句乃至一念生 淨信者是故不但說般若又有智慧 者不如聲取義隨順第一義智正說 如是取能生實相是以說此義故次 言須菩提不應取法非不取法不應 取法者不應如聲取法非不取法者 隨順第一義智正說如是取彼菩薩 聞說如是修多羅章句生實相故又 經復言須菩提如來悉知是諸眾生 如來悉見是諸眾生如是等此明何 義偈言

佛非見真實 願智力現見 求供養恭敬 彼人不能說

此義云何彼持戒等人諸佛如來非 見果比知

云何知偈言願智力現見故如來悉 知是諸眾生便足何故復說如來悉 見是諸眾生若不說如來悉見是諸

眾生或謂如來以比智知恐生如是 心故若尔但言如來悉見是諸眾生 便足何故復說如來悉知是諸眾生 若不說如來悉知是諸眾生或謂肉 眼等見為防是故何故如是說以有 二語故又何故如來如是說偈言求 供養恭敬彼人不能說故此義云何 若有人欲得供養恭敬自歎有持戒 等功德彼人則不能說是人自知故 諸佛如來善知彼何等人有何等行 是故彼人不能自說

又是諸菩薩生如是無量福德聚取 如是無量福德者此義云何生者能 生因故取者熏修自體果義故又何 以故須菩提是諸菩薩若取法相則 為著我人眾生壽者此義云何但有 無明使无現行愈煩惱示无我見故 又經言以是義故如來常說椽喻法 門是法應捨非捨法者有何次第偈言 彼不住隨順 於法中證智 如人捨船椽 法中義亦然 此義云何示修多羅等法中證智不 住故以得證智捨法故如到彼岸捨

椽故隨順者隨順彼證智法彼法應 取如人未到彼岸取椽故

自此以下說何等義為遮異疑故云 何異疑向說不可以相成就得見如 來何以故如來非有為相得名故若 如是云何擇迦牟尼佛得阿耨多羅 三藐三菩提說名為佛云何說法是 名異疑為斷此疑云何斷

經曰復次佛告慧命須菩提須菩提 於意云何如來得阿耨多羅三藐三 菩提耶如來有所說法耶須菩提言 如我解佛所說義無有定法如來得 阿耨多羅三藐三菩提亦无有定法 如來可說何以故如來所說法皆不 可取不可說非法非非法何以故一 切聖人皆以無為法得名

論曰以是義故釋迦牟尼佛非佛亦 非說法此義云何偈言

應化非真佛 亦非說法者 說法不二取 无說離言相

此義云何佛有三種一者法身佛二 者報佛三者化佛又釋迦牟尼名為 佛者此是化佛此佛不證阿耨多羅

金剛經論卷上 第十五張 聲字號

三藐三菩提亦不說法如經无有定法如來得阿耨多羅三藐三菩提亦無有定法如來可說若尔何故經言何以故如來所說法皆不可取不可說如是等有人謗言如來一向不說法為遮此故偈言應化非真佛亦非說法者故說法不二取無說離言相者聽者不取法不取非法故說者亦不二說法非法故何以故彼法非法非非法依何義說依真如義說非法者一切法無體相故非非法者彼真如无我相實有故何故唯言說不言證有言說者即成證義故若不證者則不能說如經何以故一切聖人皆以无為法得名此句明何義彼法是說因故何以故一切聖人依真如法清淨得名以無為法得名故以此義故彼聖人說彼无為法復以何義如彼聖人所證法不可如是說何況如是取何以故彼法遠離言語相非可說事故何故不但言佛乃說一切聖人以一切聖人依真如清淨得名故如是具足清淨如分清淨故

金剛經論卷上 第十六張 聲字號

經曰須菩提於意云何若滿三千大千世界七寶以用布施須菩提於意云何是善男子善女人所得福德為多不須菩提言甚多婆伽婆甚多修伽陀彼善男子善女人得福甚多何以故世尊是福德聚即非福德聚是故如來說福德聚福德聚佛言須菩提若善男子善女人以滿三千大千世界七寶持用布施若復於此經中受持乃至四句偈等為他人說其福勝彼无量不可數何以故須菩提一切諸佛阿耨多羅三藐三菩提法皆從此經出一切諸佛如來皆從此經生須菩提所謂佛法佛法者即非佛法論曰此說勝福德譬喻按量示現何義法雖不可取不可說而不空故偈言受持法及說 不空於福德 福不趣菩提 二能趣菩提何故說言世尊是福德聚即非福德聚者偈言福不趣菩提二能趣菩提故此義云何彼福德不趣大菩提二能趣大菩提故何者為二

金剛經論卷上 第十七張 聲字號

一者受持二者演說如經受持乃至四句偈等為他人說故何故名福德聚聚義有二種一者積聚義二者進趣義如人擔重說名為聚如是彼福德聚以有積聚義故說名為聚於菩提不能進趣故名非福德聚此二能趣大菩提是故於彼福德中此福為勝云何此二能得大菩提如經何以故須菩提一切諸佛阿耨多羅三藐三菩提法皆從此經出一切諸佛如來皆從此經生故云何說一切諸佛菩提法皆從此經出云何說一切諸佛如來皆從此經生偈言於實名了因 亦為餘生因 唯獨諸佛法 福成第一體此義云何菩提者名為法身彼體實无為是故於彼法身此二能作了因不能作生因餘者受報相好莊嚴佛化身相好佛於此為生因以能作菩提因是故名因顯彼福德中此福勝故如經何以故須菩提乃至皆從此經生故云何成此義偈言唯獨諸佛法 福成第一體故

須菩提所謂佛法佛法者即非佛法者彼諸佛法餘人不得是故彼佛法名為佛法是故言唯獨諸佛法第一不共義以能作第一法因是故彼福德中此福為勝如是成福德多故經曰須菩提於意云何須陀洹能作是念我得須陀洹果不須菩提言不也世尊何以故實無有法名須陀洹不入色聲香味觸法是名須陀洹佛言須菩提於意云何斯陀舍能作是念我得斯陀舍果不須菩提言不也世尊何以故實無有法名斯陀舍是名斯陀舍須菩提於意云何阿那含能作是念我得阿那含果不須菩提言不也世尊何以故實無有法名阿那含是名阿那含須菩提於意云何阿羅漢能作是念我得阿羅漢不須菩提言不也世尊何以故實無有法名阿羅漢世尊若阿羅漢作是念我得阿羅漢即為著我人眾壽者世尊佛說我得無諍三昧取為第一世尊說我是離欲阿羅漢世尊我不作是念我是離欲阿羅漢世尊我若作

是念我得阿羅漢世尊則不說我無諍行第一以須菩提實無所行而名須菩提無諍無諍行論曰向說聖人無為法得名以是義故彼法不可取不可說若須陀洹等聖人取自果云何言彼法不可取既如證如說云何成不可說自下經文為斷此疑成彼法不可取不可說故偈言不可取及說 自果不取故 依彼善善者說離二種障此義云何以聖人無為法得名是故不取一法不取者不取六塵境界以是義故名取逆流者如經不入色聲香味觸法是名須陀洹故乃至阿羅漢不取一法以是義故名為羅漢然聖人非不取無為法以取自果故若聖人起如是心我能得果即為著我等者此義云何以有使煩惱非行煩惱何以故彼於證時離取我等煩惱是故無如是心我能得果何故尊者須菩提自歎身得受記以自身證果為於彼義中生信心故何故唯說無

諍行為明勝功德故為生深信故何故言以須菩提實無所行而名須菩提無諍無諍行者偈言依彼善善者說離二種障二種障者一者煩惱障二者三昧障離彼二障故言無所行以是義故說名二種諍離彼二種障故名為無諍行經曰佛告須菩提於意云何如來昔在然燈佛所得阿耨多羅三藐三菩提法不須菩提言不也世尊如來在然燈佛所於法實無所得阿耨多羅三藐三菩提論曰復有疑釋迦如來昔在然燈佛所受法彼佛為此佛說法若如是云何彼法不可說不可取為斷此疑說彼佛所無法可取如經不也世尊如來在然燈佛所於法實無所得阿耨多羅三藐三菩提故何故如是說偈言佛於然燈語 不取理實知 以是真實義成彼無取說此義云何釋迦如來於然燈佛所言語所說不取證法故以是義故顯彼證智不可說不可取偈言以是真實

金剛經論卷上 第三十張 齋字

義成彼無取說故

又若聖人無為法得名是法不可取不可說

云何諸菩薩取莊嚴淨佛國土云何受樂報佛取自法王身云何餘世間復取彼是法王身自下經文為斷此疑經曰佛告須菩提若菩薩作是言我莊嚴佛國土彼菩薩不實語何以故須菩提如來所說莊嚴佛土者則非莊嚴是名莊嚴佛土是故須菩提諸菩薩摩訶薩應如是生清淨心而无所住不住色生心不住聲香味觸法生心應無所住而生其心

須菩提譬如有人身如須彌山王須菩提於意云何是身為大不須菩提言甚大世尊何以故佛說非身是名大身彼身非身是名大身

論曰此義如是應知云何知得言

智習唯識通如是取淨土非形第一體非嚴莊嚴意

此義云何諸佛無有莊嚴國土事唯諸佛如來真實智習智識通達是故彼土不可取若人取彼國土形相作

金剛經論卷上 第三十張 齋字

是言我成就清淨佛土彼不實說

如經何以故須菩提如來所說莊嚴佛土者則非莊嚴是名莊嚴佛土故何故如是說偈言非形第一體非嚴莊嚴意故莊嚴有二種一者形相二者第一義相是故說莊嚴莊嚴又非莊嚴佛土者無有形相故非莊嚴如是無莊嚴即是第一莊嚴何以故以一切功德成就莊嚴故若人分別佛國土是有為形相而言我成就清淨佛國土彼菩薩住於色等境界中生如是心為遮此故如經是故須菩提諸菩薩摩訶薩應如是生清淨心而无所住不住色生心不住聲香味觸法生心應无所住而生其心故

前言云何受樂報佛取自法王身云何餘世間復取彼是法王身為除此疑說受樂報佛體同彼須彌山王鏡像義故此義云何偈言

如山王無取受報亦復然遠離於諸漏

及有為法故

此義云何如須彌山王勢力高遠故名為大而不取彼山王體我是山王

金剛經論卷上 第三十張 齋字

以無分別故受樂報佛亦如是以得无上法王體故名為大而不取彼法王體我是法王以無分別故何故无分別以無分別故

如經何以故佛說非身是名大身彼身非身是名大身故何故如是說偈言遠離於諸漏及有為法故彼受樂報佛體離於諸漏若如是即无有物若如是即名有物以唯有清淨身故以遠離有為法故以是義故實有我體以不依他緣住故

金剛般若波羅蜜經論卷上

金剛般若波羅蜜經論卷上

校勘記

- 一 底本，金藏廣勝寺本。
- 一 一三一頁中三行譯者，**資**作「元魏三藏法師菩提流支譯」；**磧**、**南**、**徑**、**清**作「元魏三藏法師菩提流支奉詔譯」；**普**作「元魏三藏法師菩提流支譯」，以下各卷同。
- 一 一三一頁中六行第七字「尊」，**資**、**磧**、**普**、**南**、**徑**、**清**作「等」。
- 一 一三一頁下六行第一二字「念」，**資**、**磧**、**普**、**南**、**徑**、**清**無。
- 一 一三一頁下九行第六字「未」，諸本作「未得」。
- 一 一三一頁下一〇行第五字「是」，諸本作「是名」。
- 一 一三二頁上一九行第一三字「入」，**麗**作「住」。
- 一 一三二頁中一一行「論曰」，**徑**無。
- 一 一三二頁中二〇行「如是」，**資**、**磧**、**普**、**南**、**徑**、**清**作「如是如是」。

- 一 一三三頁中一四行「第一」，**資**、**磧**、**普**、**南**、**徑**、**清**作「第一義」。
- 一 一三三頁中一四行「如來」，**石**、**資**、**磧**、**普**、**南**、**徑**、**清**作「如來身」。
- 一 一三三頁中二一行「有所」，諸本作「所有」。
- 一 一三三頁下二行「減住」，**石**、**麗**作「住減」。
- 一 一三四頁上一二行末字「住」，**資**、**磧**、**普**、**南**、**徑**、**清**作「住事」。
- 一 一三五頁上一七行「非見果實」，**石**、**麗**作「非見果知」；**資**、**磧**、**普**、**南**、**徑**、**清**作「不見果知」。
- 一 一三五頁中四行第一三字「謂」，**資**、**磧**、**普**、**南**、**徑**、**清**、**麗**作「謂如來以」。
- 一 一三五頁中一二行第三字「諸」，**石**作「說」。
- 一 一三五頁下八行末字「斷」，諸本作「斷疑」。
- 一 一三五頁下一八行第三字「法」，**石**、**資**、**磧**、**普**、**南**、**徑**、**清**作「法者」。

- 一 一三六頁上七行第九字「取」，**清**作「故」。
- 一 一三六頁上末行第八字「分」，**磧**作「是」。
- 一 一三六頁中三行末字「為」，諸本作「寧為」。
- 一 一三六頁中七行第七字「聚」，**資**、**磧**、**普**、**南**、**徑**、**清**作「聚即非」。
- 一 一三六頁中九行末字「復」，**資**、**磧**、**普**、**南**、**徑**、**清**作「復有人」。
- 一 一三六頁中一五行「佛法」，**資**、**磧**、**普**、**南**、**徑**、**清**、**麗**作「佛法是名佛法」。
- 一 一三六頁下四行首字「趣」，**南**作「聚」。
- 一 一三六頁下二〇行第一三字「福」，**石**作「福德」。
- 一 一三七頁中一四行第五字「取」，**資**、**磧**、**普**、**南**、**徑**、**清**、**麗**作「不取」。
- 一 一三七頁中一六行「羅漢」，**資**、**磧**、**普**、**南**、**徑**、**清**作「阿羅漢」。
- 一 一三七頁下四行第五字「障」，諸

本作「障故」。

一 一三七頁下五行第八字「二」，**資**、

磧、**普**、**南**、**徑**、**清**作「二種」。

一 一三七頁下六行第九字「諍」，**資**、

磧、**普**、**南**、**徑**、**清**作「障」。

一 一三七頁下七行「無諍」，諸本作
「無諍無諍」。

一 一三七頁下一三行第一字「在」，

石、**資**、**磧**、**普**、**南**、**徑**、**清**作「於」。

一 一三七頁下一九行第一〇字「知」，
諸本作「智」。

一 一三八頁中一行「佛土彼」，**石**作

「佛國土彼」；**資**、**磧**、**普**、**南**、**徑**、

清作「佛國土彼菩薩」。

一 一三八頁中六行第九字「莊」，**麗**
作「非」。



金剛般若波羅蜜經論卷中

聲

天親菩薩造

元魏天竺三藏菩提流支譯

經曰佛言須菩提如恒河中所有沙數如是沙等恒河於意云何是諸恒河沙寧為多不須菩提言甚多世尊但諸恒河尚多無數何況其沙佛言須菩提我今實言告汝若有善男子善女人以七寶滿尔數恒河沙數世界以施諸佛如來須菩提於意云何彼善男子善女人得福多不須菩提言甚多世尊彼善男子善女人得福甚多佛告須菩提以七寶滿尔數恒河沙世界持用布施若善男子善女人於此法門乃至受持四句偈等為他人說而此福德勝前福德无量阿僧祇

論曰前已說多福德譬喻何故此中復說偈言

說多義老別 亦成勝较量 後福過於前 故重說勝喻

此義云何前說三千世界譬喻明福

金剛經論卷中

第張

第

德多今重說無量三千世界故何故不先說此喻為漸化衆生令生信心上妙義故又前未顯以何等勝功德能得大菩提故以此喻成彼功德是故重說勝喻

經曰復次須菩提隨所有處說是法門乃至四句偈等當知此處一切世間天人阿修羅皆應供養如佛塔廟何況有人盡能受持讀誦此經須菩提當知是人成就最上第一希有之法若是經典所在之處則為有佛若尊重似佛尔時須菩提白佛言世尊當何名此法門我等云何奉持佛告須菩提是法門名為金剛般若波羅蜜以是名字汝當奉持何以故須菩提佛說般若波羅蜜則非般若波羅蜜須菩提於意云何如來有所說法不須菩提言世尊如來無所說法須菩提於意云何三千大千世界所有微塵是為多不須菩提言彼微塵甚多世尊何以故須菩提是諸微塵如來說非微塵是名微塵如來說世界非世界是名世界佛言須菩提於意

金剛經論卷中

第四張

金剛經論卷中 第四張

第五張

金剛經論卷中

第五張

第六張

云何可以三十二大人相見如來不
須菩提言不也世尊何以故如來說
三十二大人相即是非相是名三十
二大人相

論曰云何成彼勝福偈言

尊重於二處 因習證大體 彼因習煩惱
此降伏染福

此義云何尊重於二處者一者所說
慶隨何等慶說此經今生尊重奇特
相故二者能說人隨何等能受持
及說以尊重經論故非七寶等隨何
處捨隨何人能捨如是生敬重故此
法門與一切諸佛如來證法作勝因
故如經須菩提言世尊如來無所說
法故此義云何無有一法唯獨如來
說餘佛不說故彼珍寶布施福德是
染煩惱因以能成就煩惱事故此因
示現遠離煩惱因故是說地微塵
喻如經須菩提是諸微塵如來說非
微塵是名微塵如來說世界非世界
是名世界故何故如是說彼微塵非
貪等煩惱體以是義故名為地微塵
故彼世界非煩惱染因界是故說世

界此明何義彼福德是煩惱塵染因
是故於外無記塵彼福德善根為近
何況此福德能成佛菩提故及成就
大丈夫相福德中勝故是故受持演
說此法門能成佛菩提勝彼福德何
以故彼相於佛菩提非相故以彼非
法身故是故說大丈夫相以彼相故
此受持及說福德能成佛菩提是故
彼非勝故又彼福德能降伏珍寶等
福何況此福故能降伏是故此福取
近取勝如是彼檀等福德中此福德
最如是成已

經曰佛言須菩提若有善男子善女
人以恒河沙等身命布施若復有人
於此法門中乃至受持四句偈等為
他人說其福甚多無量阿僧祇劫時
須菩提聞說是經深解義趣涕淚悲
泣捫淚而白佛言希有婆伽婆希有
修伽陀佛說如是甚深法門我徒昔
來所得慧眼未曾得聞如是法門何
以故須菩提佛說般若波羅蜜即非
般若波羅蜜世尊若復有人得聞是
經信心清淨則生實相當知是入成

就第一希有功德世尊是實相者則
是非相是故如來說名實相實相世
尊我今得聞如是法門信解受持不
足為難若當來世其有衆生得聞是
法門信解受持是人則為第一希有
何以故此人無我相人相衆生相壽
者相何以故我相即是非相人相衆
生相壽者相即是非相何以故離一
切諸相則名諸佛佛告須菩提如是
如是若復有人得聞是經不驚不怖
不畏當知是人甚為希有何以故須
菩提如來說第一波羅蜜非第一波
羅蜜如來說第一波羅蜜者彼無量
諸佛亦說波羅蜜是名第一波羅蜜
論曰自下經文重明彼福德中此福
轉勝此義云何偈言

若身勝於彼 希有及上義 彼智岸難量
亦不同餘法 堅實解深義 勝餘修多羅
大因及清淨 福中勝福德

此二偈說何義捐捨身命重於捨資
生珍寶等彼如是捨無量身命果報
福德此福德勝彼福何以故彼捨身
命苦身心故何況為法捨故念彼身

苦慧命須菩提尊重法故悲泣流淚如經爾時須菩提聞說是經深解義趣涕淚悲泣故此法門希有何以故尊者須菩提雖有智眼昔來未曾得聞是故希有如經我從昔來所得慧眼未曾得聞如是法門故又此法門第一以說名般若波羅蜜故此云何成以上義故如經何以故須菩提佛說般若波羅蜜即非般若波羅蜜故何故如是說彼智岸故彼智岸無人能量是故非波羅蜜又此法門不同何以故此中有實相故餘者非實相除佛法餘處無實故以彼處未曾有未曾生信以是義故如經世尊若復有人得聞是經信心清淨則生實相當知是人成就第一希有功德故又此法門堅實深妙何以故受持此經思量修習不起我等相故又不起我等相者示可取境界不倒相故我等相即非相者示能取境界不倒相故此二明我空法空無我智故如是次第如經何以故此人无我相人相眾生相壽者相何以故我相即是非相

人相眾生相壽者相即是非相何以故離此一切諸相則名諸佛故如來為須菩提說如是義驚者謂非處生懼是故名驚以可訶故如非正道行故怖者心體怖故以起不能斷疑心故畏者一向怖故其心畢竟驚怖墮故遠離彼處如經不驚不怖不畏故又此法門勝餘修多羅如經何以故須菩提如來說第一波羅蜜非第一波羅蜜故又此法門名為大因如經如來說第一波羅蜜者故又此法門名為清淨以无量佛說故如經彼無量諸佛亦說波羅蜜是名第一波羅蜜故彼珍寶檀等無如是功德是故彼福德中此福為勝如是成已論曰自下經文復為斷疑云何疑向說彼身苦以彼捨身苦身果報而彼福是劣若尔依此法門受持演說諸菩薩行苦行彼苦行亦是苦果云何此法門不成苦果為斷此疑故經曰須菩提如來說忍辱波羅蜜即非忍辱波羅蜜何以故須菩提如我昔為歌利王割截身體我於尔時无我相

無人相无眾生相無壽者相无相亦非無相何以故須菩提我於往昔節節支解時若有我相人相眾生相壽者相應生瞋恨須菩提又念過去於五百世作忍辱仙人於尔時无我相無人相无眾生相無壽者相是故須菩提菩薩應離一切相發阿耨多羅三藐三菩提心何以故若心有住則為非住不應住色生心不應住聲香味觸法生心應生無所住心是故佛說菩薩心不住色布施須菩提菩薩為利益一切眾生應如是布施須菩提言世尊一切眾生相即是非相何以故如來說一切眾生即非眾生論曰此示何義偈言能忍於苦行以苦行有善彼福不可量如是取勝義離我及慧相實無於苦惱共樂有慈悲如是苦行果此二偈說何義雖此苦行同於苦果而此苦行不疲倦以有昇提波羅蜜名為第一故彼岸有二種義一者波羅蜜清淨善根體二者彼岸功德不可量如經即非波羅蜜故非波羅蜜

金剛經論卷中 第九張 四字

者無人知彼功德岸故言非波羅蜜是故為得第一法此苦行勝彼捨身何况離我相瞋恚相故又此行无苦不但無苦及有樂以有慈悲故如經我於今时无我相乃至無相亦非无相故此明慈悲心相應故如是說若有菩薩不離我相等彼菩薩見苦行苦亦欲捨菩提心為彼故說如經是故須菩提菩薩應離一切相等此明何義未生第一菩提心者有如是過為防此過得言 修行及堅固為忍波羅蜜習彼能學心

利益眾生修行而不名住於眾生事為斷此疑如經須菩提菩薩為利益一切眾生應如是布施故此明何義得言

修行利眾生如是因當識 眾生及事相遠離亦應知

此義云何利益是因體故彼修行利益眾生非取眾生相事故何者是眾生事得言

假名及陰事 如來離彼相 諸佛无彼二以見實法故

此說何義名相眾生及彼陰事故云何彼修行遠離眾生事相即彼名相想非相以無彼實體故以是義故眾生即非眾生以何等法謂五陰名眾生彼五陰无眾生體以無實故如是明法無我人无我何以故一切諸佛如來遠離一切相故此句明彼二相不實得言如來離彼相諸佛無彼二以見實法故此說何義若彼二實有者諸佛如來應有彼二相何以故諸佛如來實見故 經曰須菩提如來是真語者實語者

金剛經論卷中 第十張

如語者不異語者須菩提如來所得法所說法無實无妄語

論曰此中有疑於證果中無道云何彼於果能作因為斷此疑如經須菩提如來是真語者實語者如語者不異語者故此四句說何等義得言

果雖不住道 而道能為因 以諸佛實語彼智有四種

此義云何彼境界有四種是故如來有四種實語云何四種得言

實智及小乘 說摩訶衍法及一切授記以不虛說故

此明何義以如來實智不妄說佛菩提及小乘大乘受記之事皆不妄說以是四境故次第說四語如經須菩提如來是真語者實語者如語者不異語者故不妄說小乘者說小乘苦諦等唯是諦故不妄說大乘者說法無我真如故真如者即是真如故不妄說受記者一切過去未來現在受記故如彼義如是說不顛倒故經復言須菩提如來所得法所說法无實無妄語者何故如是說得言

隨順彼實智 說不實不虛 如聞聲取證 對治如是說

此義云何諸佛所說法此法不能得 彼法而隨順義故以所說法不能得 彼證法何以故如所聞聲無如是義 故是故無實以此所說法隨順彼證 法是故无妄語若尔何故說如來所 得法所說法以依字句說故何故如 來前說如是真語者復言所說法无 實無妄語偈言如聞聲取證對治如 是說故

經曰須菩提譬如有入闇則無所 見若菩薩心住於事而行布施亦復 如是須菩提譬如人有目夜分已盡 日光明照見種種色若菩薩不住於 事行於布施亦復如是

論曰復有疑若聖人以無為真如法 得名彼真如一切時一切處有云何 不住心得佛菩提則非不住若一切 時一切處實有真如何故有人能得 有不得者為斷此疑故說入闇等喻 此明何義偈言 時及處實有 而不得真如 無智以住法

餘者有智得

此義云何一切時者謂過現未來一 切處者謂三世衆生實有真如法何 故不得偈言無智以住法故彼无智 以心住法故此復何義不清淨故以 有智者心不住法是故能得以此是 義 故諸佛如來清淨真如得名是故住 心不得佛菩提又此譬喻明於何義 偈言

闇明愚无智 明者如有智 對治及對法 得滅法如是

此義云何彼闇明喻者相似法故闇 者示現無智日光明者示現有智有 目者明何義偈言對治及對法得滅 法如是故如是次第又有目者如能 對治法故夜分已盡者如所治暗法 盡故日光明照者如能治法現前故 如經須菩提譬如有入闇則無所 見如是等故

經曰復次須菩提若有善男子善女 人能於此法門受持讀誦修行則為 如來以佛智惠悉知是人悉見是人 悉覺是人皆得成就無量无边功德

聚須菩提若有善男子善女人初日 分以恒河沙等身布施中日分復以 恒河沙等身布施後日分復以恒河 沙等身布施如是捨恒河沙等无量 身如是百千万億那由他劫以身布 施若復有人聞此法門信心不謗其 福勝彼无量阿僧祇何況書寫受持 讀誦修行為人廣說

論曰自下復說何義偈言 於何法修行 得何等福德 復成就何業 如是說修行

於何法修行者示現彼行云何示現 偈言

名字三種法 受持聞廣說 修從他及內 得聞是修智

此說何義於彼名字得成聞慧此有 三種一者受二者持三者讀誦此云 何知偈言受持聞廣說故受持修行 依持持法故讀誦修行依聞慧廣故 廣多讀習亦名聞慧此是名字中三 種修行如經復次須菩提若有善男 子善女人能於此法門受持讀誦故 彼修行云何得偈言修從他及內得

金剛論卷中 第十五章 學字

聞是修智故此義云何為修得相於他及自身云何於他及自身謂聞及修如是次第從他聞法內自思惟為得修行故向說名字及以修行此為自身偈言

此為自淳熟 餘者化衆生 以事及時大福中勝福德

此義云何彼名字聞慧修行為自身淳熟故餘者化衆生廣說法故得何等福德者示現勝较量福德故偈言以事及時大福中勝福德故此捨身福德勝於前捨身福德云何勝以事勝故以時大故即一日時多捨身故復多時故如經須菩提若善男子善女人初日分以恒河沙等身布施乃至若復有人聞此法門信心不謗其福勝彼無量阿僧祇何況書寫受持讀誦修行為人廣說故

經曰須菩提以要言之是經有不可思議不可稱量無邊功德此法門如來為發大乘者說為發最上乘者說若有人能受持讀誦修行此經廣為人說如來悉知是人悉見是人皆成

金剛論卷中 第十六章 學字

就不可思議不可稱無有邊無量功德聚如是人等則為荷擔如來阿耨多羅三藐三菩提何以故須菩提若樂小法者則於此經不能受持讀誦修行為人解說若有我見衆生見人見壽者見於此法門能受持讀誦修行為人解說者無有是處須菩提在在處處若有此經一切世間天人阿修羅所應供養當知此處則為是塔皆應恭敬作禮圍繞以諸花香而散其處復次須菩提若善男子善女人受持讀誦此經為人輕賤何以故是人先世罪業應墮惡道以今世人輕賤故先世罪業則為消滅當得阿耨多羅三藐三菩提須菩提我念過去無量阿僧祇阿僧祇劫於然燈佛前得值八十四億那由他百千萬諸佛我皆親承供養无空過者須菩提如是無量諸佛我皆親承供養无空過者若復有人於後世末世能受持讀誦修行此經所得功德我所供養諸佛功德於彼百分不及一千万億分乃至算數譬喻所不能及須菩提若

有善男子善女人於後世末世有受持讀誦修行此經所得功德若我具說者或有人聞心則狂乱疑惑不信須菩提當知是法門不可思議果報亦不可思議

金剛論卷中 第十七章 學字

論曰復成就何業修行者今顯彼修行業偈言

非餘者境界 唯依大人說 及希聞信法 滿足无上界 受持真妙法 尊重身得福 及遠離諸障 復能速證法 成種種勢力 得大妙果報 如是等勝業 於法修行知 此三行得說何等義有不可思議者 示不可思議境界故不可稱量者謂 唯獨大人不共聲聞等以為住第一 大乘衆生說故此示依止大人故又 說大乘者最妙大乘修行勝故以信 小乘等則不能聞此示希聞而能信 法故如經以要言之是經有不可思議不可稱量無邊功德如來為發大乘者說為發最上乘者說故希聞者謂不可思議等文句得不可思議等 福德顯滿足性故以福德善根滿足 故此說不可思議等文句如經皆成

就不可思議不可稱無有邊无量功德聚故如是人等則為荷擔如來阿耨多羅三藐三菩提者示現受持真妙法故受持法者即是荷擔大菩提如經如是人等則為荷擔如來阿耨多羅三藐三菩提故在在處處供養者當知是人必定成就無量功德如經在在處處若有此經一切世間天人阿修羅所應供養當知此處則為是塔皆應恭敬作禮圍繞以諸花香而散其處故受持讀誦此經為人輕賤者示現遠離一切諸障故何故為人輕賤而離諸障以有大功德故如經是人先世罪業則為消滅故於然燈佛前供養諸佛功德於後末世受持此法門功德福多於彼者此示速證菩提法故以多福德莊嚴速疾滿足故如經若復有人於後末世能受持讀誦修行此經所得功德我所供養諸佛功德於彼百分不及一千万億分乃至算數譬喻所不能及故當知是法門不可思議果報亦不可思議者此明何義偈言成種種勢力

得大妙果報故所謂攝受四天王釋提桓因梵天王等成就勢力故若聞此事其心迷亂者以彼果報不可思議甚為勝妙示非思量智境界故住彼修行中成如是等功德是故彼修行等業應知如經當知是法門不可思議果報亦不可思議故

經曰今時須菩提白佛言世尊云何菩薩發阿耨多羅三藐三菩提心云何住云何修行云何降伏其心佛告須菩提菩薩發阿耨多羅三藐三菩提心者當生如是心我應滅度一切衆生令入無餘涅槃界如是滅度一切衆生已而無一衆生實滅度者何以故須菩提若菩薩有衆生相人相壽者相則非菩薩何以故須菩提實無有法名為菩薩發阿耨多羅三藐三菩提心者

論曰何故前說三種修行今復重說此有何勝偈言
於內心修行存我為菩薩此即障於心
違於不住道
此義云何若菩薩於自身三種修行

生如是心我住於菩薩大乘我如是修行我如是降伏其心菩薩生此分別則障於菩提行偈言於內心修行存我為菩薩此即障於心故障何等心偈言違於不住道故如經何以故須菩提實無有法名為菩薩發阿耨多羅三藐三菩提心者故

經曰須菩提於意云何如來於然燈佛所有法得阿耨多羅三藐三菩提不須菩提白佛言不也世尊如我解佛所說義佛於然燈佛所無有法得阿耨多羅三藐三菩提佛言如是如是須菩提實無有法如來於然燈佛所得阿耨多羅三藐三菩提須菩提若若有法如來得阿耨多羅三藐三菩提者然燈佛則不與我受記汝於來世當得作佛號釋迦牟尼以實無有法得阿耨多羅三藐三菩提是故然燈佛與我受記作如是言摩那婆汝於來世當得作佛號釋迦牟尼何以故須菩提言如來者即實真如須菩提若有人言如來得阿耨多羅三藐三菩提者是人實語須菩提實無

金剛經論卷中 第五五

金剛經論卷中 第五五

金剛經論卷中 第五五

有法佛得阿耨多羅三藐三菩提須
菩提如來所得阿耨多羅三藐三菩提
提於是中不實不妄語是故如來說
一切法皆是佛法須菩提所言一切
法一切法者即非一切法是故名一
切法

論曰此中有疑若無菩薩云何釋迦
如來於然燈佛所行菩薩行為斷此
疑如經須菩提於意云何如來於然
燈佛所有法得阿耨多羅三藐三菩
提不不也世尊如是等此明何義偈言
以後時授記 然燈行非上 菩提彼行等
非實有為相

此義云何於然燈佛時非第一菩薩
行何以故我於彼時所修諸行无有
一法得阿耨多羅三藐三菩提若我
於彼佛所已證菩提則後時諸佛不
授我記是故我於彼時行未成佛故
偈言以後時授記然燈行非上故若
無菩提即无諸佛如來有如是謗謂
一向無諸佛為斷此疑如經何以故
須菩提言如來者即實真如故實者
非顛倒義故真如者不異不變故須

菩提若有人言如來得阿耨多羅三
藐三菩提者此示何義偈言菩提彼
行等故此義云何彼菩薩行若人言
有實者此則虛妄如是如來得阿耨
多羅三藐三菩提若人言得者此亦
虛妄故言菩提彼行等故若如是有人
謗言如來不得阿耨多羅三藐三
菩提為斷此疑如經須菩提如來所
得阿耨多羅三藐三菩提法不實不
妄語故此義云何以如來得彼菩提
故偈言非實有為相故有為相者謂
五陰相彼菩提法無色等相故此復
云何偈言

彼即非相相 以不虛妄說 是法諸佛法
一切自體相
此義云何彼即於色等非相無色等
相故彼即菩提相故是故偈言彼即
非相相以不虛妄說故是故如來說
一切法佛法如是等此義云何以如
來得如是法偈言是法諸佛法一切
自體相故自體相者非體自體故此
明何義一切法真如體故彼法如來
所證是故言一切法佛法彼處色等

相不住故彼一切色等諸法非法如
是諸法非法即是諸法法以無彼法
相常不住持彼法相故
經曰須菩提辭如有人其身妙大須
菩提言世尊如來說人身妙大則非
大身是故如來說名大身

論曰大身辭喻示現何義偈言
依彼法身佛 故說大身喻 身離一切障
及遍一切境 功德及大體 故即說大身
非身即是身 是故說非身

此二偈示何義畢竟遠離煩惱障智
障畢竟具足法身故此復云何有二
種義一者遍一切處二者功德大是
故名大身偈言功德及大體故遍一
切處者真如一切法不老別故偈言
非身即是身是故說非身故如經世
尊如來說人身妙大則非大身是故
如來說名大身故此說何義非身者
無有諸相是名非身大者有真如體
如是即名妙大身如經是名妙大身故
經曰佛言須菩提菩薩亦如是若作
是言我當滅度無量眾生則非菩薩
佛言須菩提於意云何頗有實法名

為菩薩須菩提言不也世尊實无有法名為菩薩是故佛說一切法無眾生無人无壽者須菩提若菩薩作是言我莊嚴佛國土是不名菩薩何以故如來說莊嚴佛土莊嚴佛土者即非莊嚴是名莊嚴佛國土須菩提若菩薩通達无我無我法者如來說名真是菩薩

論曰此中有疑若無菩薩者諸佛亦不成大菩提眾生亦不入大涅槃亦無清淨佛國土若如是為何義故諸菩薩摩訶薩發心欲令眾生入涅槃起心修行清淨佛國土自下經文為斷此疑云何斷疑偈言

不達真法界起度眾生意及清淨國土生心即是倒

此義云何若起如是心即是顛倒非菩薩者起何等心名為菩薩如經須菩提若菩薩通達無我无我法者如來說名真是菩薩菩薩故此示何義偈言

眾生及菩薩知諸法無我非聖智信及聖必有智

此明何義知無我无我法者謂眾生及菩薩何等眾生何等菩薩於彼法若能自智信若世間智出世間智所謂凡夫聖人是人名為菩薩此言攝世諦菩薩出世諦菩薩是故重說菩薩菩薩如經如來說名真是菩薩菩薩故

金剛般若波羅蜜經論卷中

金剛般若波羅蜜經論卷中

校勘記

- 一 底本，金藏廣勝寺本。
- 一 一四一頁中九行及一三行「余數」，石、麗作「余所」。
- 一 一四一頁下二一行「何以故」，石無。
- 一 一四二頁上一〇行首字「相」，資、磧、普、南、徑、清作「想」。
- 一 一四二頁中一行末字「德」，石無。
- 一 一四二頁中一二行首字「最」，石、資、磧、普、南、徑、清作「最勝」。
- 一 一四二頁下二二行第五字「德」，石、資、磧、普、南、徑、清無。
- 一 一四三頁上一〇行「能取」，資、磧、普、南、徑、清作「能取可取」。
- 一 一四三頁中二行第三字「此」，資、磧、普、南、徑、清無。
- 一 一四三頁中一六行「論曰」，徑無。
- 一 一四三頁中二〇行首字「此」，資、

一四四頁中一四行首字「想」，石、

麗作「相」。

一四四頁下一一行第一四字「授」，

資、磧、普、南、徑、清作「受」。

一四四頁下一四行、二〇行、二〇

行末字至二一行首字「受記」，麗作「授記」。

一四四頁下末行「者何」，資、磧、

普、南、徑、清作「何以」。

一四五頁上五行「如是」，資、磧、

普、南、徑、清作「如此」。

一四五頁上九行第四字「如」，諸本作「如來」。

一四五頁中一〇行及一四行「對

治及對法」，石、資、磧、普、南、徑、

清作「對法及對治」。

一四五頁中一五行末字「能」，資、

磧、普、徑、清作「得」；南作「是」。

一四五頁下二一行第一二字「有」，

石無。

一四六頁中一六行第六至第八字

「阿僧祇」，資、磧、普、南、徑、清無。

一四六頁中二〇行第八字「世」，

資、磧、普、南、徑、清無。

一四七頁中一八行末字「者」，石、

麗作「者故」。

一四八頁上二一行第五字「佛」，

資、磧、普、南、徑、清作「佛如來」。

一四八頁中二行第七字「示」，徑、

清作「是」。

一四八頁中一六行第一二字「無」，

資、磧、普、南、徑、清作「非」。

一四八頁中末行第一〇字「法」，

石、資、磧、普、南、徑、清作「法故」。

一四九頁上二行「無衆」，資、磧、

普、南、徑、清、麗作「無我無衆」。

一四九頁上八行「菩薩」，石、麗作

「菩薩菩薩」。

一四九頁中三行第四字「智」，石

作「知」。



金剛般若波羅蜜經論卷下

天親菩薩造

元魏天竺三藏菩提流支譯

解

經曰須菩提於意云何如來有肉眼
 不須菩提言如是世尊如來有肉眼
 佛言須菩提於意云何如來有天眼
 不須菩提言如是世尊如來有天眼
 佛言須菩提於意云何如來有慧眼
 不須菩提言如是世尊如來有慧眼
 佛言須菩提於意云何如來有法眼
 不須菩提言如是世尊如來有法眼
 佛言須菩提於意云何如來有佛眼
 不須菩提言如是世尊如來有佛眼
 提於意云何如恒河中所有沙佛說
 是沙不須菩提言如是世尊如來說
 是沙佛言須菩提於意云何如一恒
 河中所有沙有如是等恒河是諸恒
 河所有沙數佛世界如是世界寧為
 多不須菩提言彼世界甚多世尊佛
 告須菩提余所國土中所有眾生若
 千種心住如來悉知何以故如來說
 諸心住皆為非心住是名為心住何

以故須菩提過去心不可得現在心
 不可得未來心不可得須菩提於意
 云何若有人以滿三千大千世界七
 寶持用布施是善男子善女人以是
 因緣得福多不須菩提言如是世尊
 此人以是因緣得福甚多佛言如是
 如是須菩提彼善男子善女人以是
 因緣得福德聚多須菩提若福德聚
 有實如來則不說福德聚福德聚
 論曰復有疑前說菩薩不見彼是眾
 生不見我為菩薩不見清淨佛國土
 何以故以不見諸法名為諸佛如來
 若如是或謂諸佛如來不見諸法自
 下經文為斷此疑故說五種眼偈言
 雖不見諸法非無了境眼 諸佛五種寶
 以見彼顛倒
 何故說彼非顛倒為顯斷疑譬喻是
 故說我知彼種種心住如是等此示
 何義彼非顛倒以見顛倒故何者是
 顛倒偈言
 種種顛倒識 以離於實念 不住彼實智
 是故說顛倒
 此義云何種種顛倒者彼種種心緣

金剛經論卷下 第三張 般若字

住是名種種識以六種識差別顛倒
 何故彼心住心為顛倒得言以離於
 實念不住彼實智是故說顛倒故如
 來說諸心住皆為非心住者此句示
 現遠離四念處故此以何義心住者
 住彼念處以離彼念處故云不住又
 住不動根本名異義一若如是不住
 是故說心住此明不住相續不斷行
 因是故不住示彼相續顛倒如經何
 以故須菩提過去心不可得現在心
 不可得未來心不可得以過去未來
 故不可得現在心虛妄分別故不可
 得如是示彼心住顛倒諸識虛妄以
 無世觀故何故依福德重說譬喻言
 佛智慧根本 非顛倒功德 以是福德相
 故重說譬喻

此說何義復有疑向說心住顛倒若
 如是福德亦是顛倒若是顛倒何名
 善法為斷此疑示現心住雖顛倒福
 德非顛倒何以故偈言佛智慧根本
 故云何示現根本如經須菩提若福
 德有實如來則不說福德聚福德聚
 故此義云何明有漏福德聚是其顛

金剛經論卷下 第四張 般若字

倒以此福德聚是有漏故所以如來
 不說福德聚又福德聚者即福德聚
 何以故若非福德聚者如來則不說
 為智慧根本是故福德聚者即福
 德聚

經曰須菩提於意云何佛可以具足
 色身見不須菩提言不也世尊如來
 不應以色身見何以故如來說具足
 色身即非具足色身是故如來說名
 具足色身佛言須菩提於意云何如
 來可以具足諸相見不須菩提言不
 也世尊如來不應以具足諸相見何
 以故如來說諸相具足即非具足是
 故如來說名諸相具足

論曰復有疑若諸佛以無為法得名
 云何諸佛成就八十種好三十二相
 而名為佛為斷此疑是故說非成就
 色身非成就諸相得見如來又色身
 攝得八十種好三十二相如經何以
 故如來說具足色身即非具足色身
 是故如來說名具足色身何以故如
 來說諸相具足即非具足是故如來
 說名諸相具足故何故如是說偈言

金剛經論卷下 第五張 般若字

法身畢竟體 非彼相好身 以非相成就
 非彼法身故 不離於法身 彼二非不佛
 故重說成就 亦無二及有

此二偈說何義彼法身畢竟體非色
 身成就亦非諸相成就以非彼身故
 非彼身者以非彼法身相故此二非
 不彼即彼如來身有故何者是二
 者色身成就二者諸相成就以此二
 法不離於法身是故彼如來身成就
 相好亦得說有云何說有經言色身
 成就諸相成就故是故偈言彼二非
 不佛故是故此二亦得言無故說非
 身成就非相成就亦得言有故說色
 身成就諸相成就故偈言亦無二及
 有故何以故如是說以彼法身中无
 即於是義說如來色身成就諸相成
 就以不離彼身故而法身不如是說
 以法身非彼體故

經曰佛言須菩提於意云何汝謂如
 來作是念我當有所說法耶須菩提
 莫作是念何以故若人言如來有所
 說法則為謗佛不能解我所說故何
 以故須菩提如來說法說法者无法

可說是名說法

論曰復有疑若如來具足色身成就不可得見若相成就不可得見云何言如來說法自下經文為斷此疑如經若人言如來有所說法則為謗佛不能解我所說故此義云何偈言如佛法亦然所說二老別不離於法界說法无自相

何故重言說法說法者偈言所說二老別故何者是二一者所說法二者所有義何故言無法可說是名說法故者偈言不離於法界說法無自相故此以何義所說法離於真法界不可得自相見故

經曰亦時慧命須菩提白佛言世尊頗有衆生於未來世聞說是法生信心不佛言須菩提彼非衆生非不衆生何以故須菩提衆生衆生者如來說非衆生是名衆生論曰復有疑若言諸佛說者是无所說法不離於法身亦是其無有何等人能信如是甚深法界自下經文為斷此疑偈言

所說說者深 非無能信者 非衆生衆生 非聖非不聖

何故言須菩提非衆生非不衆生者偈言非衆生衆生非聖非不聖故此以何義若有信此經彼人非衆生非衆生者非無聖體非无聖體者非凡夫體故非不衆生者以有聖體故彼人非凡夫衆生非不是聖體衆生如經何以故須菩提衆生衆生者如來說非衆生是名衆生故如來說非衆生者非凡夫衆生是故說衆生衆生以聖人衆生是故說非衆生

經曰佛言須菩提於意云何如來得阿耨多羅三藐三菩提耶須菩提言不也世尊世尊無有少法如來得阿耨多羅三藐三菩提佛言如是如是須菩提我於阿耨多羅三藐三菩提乃至无有少法可得是名阿耨多羅三藐三菩提復次須菩提是法平等無有高下是名阿耨多羅三藐三菩提以無衆生无人無壽者得平等阿耨多羅三藐三菩提一切善法得阿耨多羅三藐三菩提須菩提所言言

法善法者如來說非善法是名善法論曰復有疑若如來不得一法名阿耨多羅三藐三菩提者云何離於上上證轉轉得阿耨多羅三藐三菩提自下經文為斷此疑示現非證法名為得阿耨多羅三藐三菩提此義云何偈言

彼處無少法 知菩提无上 法界不增減 淨平等自相 有無上方使 及離於漏法 是故非淨法 即是清淨法

此明何義彼菩提處無有一法可證名為阿耨多羅三藐三菩提如經世尊無有少法如來得阿耨多羅三藐三菩提法故彼復有義偈言法界不增減不增減者是法平等是故名无上以無无上故如經復次須菩提是法平等无有高下是名阿耨多羅三藐三菩提故又諸佛如來清淨法身平等無老別於彼處无有勝者是故說无上如經以無衆生无人無壽者得平等阿耨多羅三藐三菩提故又彼法無我自體真實更无上上故名阿耨多羅三藐三菩提故又彼法

金剛經論卷下 第九

有無上方便以一切善根滿足故說阿耨多羅三藐三菩提餘善提者善法不滿足更有上方便如經一切善法得阿耨多羅三藐三菩提故須菩提所言善法善法者如來說非善法故名善法者何故如是說偈言及離於漏法是故彼漏非是淨法此即是清淨法故此以何義彼法無有漏法故名非善法以無有漏法故是故名為善法以決定無漏善法故

經曰須菩提三千大千世界中所有諸須彌山王如是等七寶聚有人持用布施若人以此般若波羅蜜經乃至四句偈等受持讀誦為他人說於前福德百分不及一一分不及一百分不及一歌羅分不及一數分不及一優波尼沙陀分不及一乃至算數譬喻所不能及

論曰復有疑若一切善法滿足得阿耨多羅三藐三菩提者則所說法不能得大菩提何以故以所說法無記法故為斷此疑重說勝福譬喻示現何義偈言

金剛經論卷下 第十

雖言無記法而說是彼因是故一法實勝无量珍寶

此義云何雖言所說法是無記而能得大菩提何以故以遠離所說法不能得大菩提以是義故此法能為菩提因又言無記者此義不然何以故汝法是無記而我法是記偈言是故一法實勝无量珍寶故是故此所說法勝彼阿僧祇須彌等珍寶故如經若人以此般若波羅蜜經乃至四句偈等受持讀誦為他人說於前福德百分不及一如是等此示何義偈言數力無似勝无以因亦然一切世間法不可得為喻

此說何等義示於前福德此福為勝云何為勝一者數勝二者力勝三者不相似勝四者因勝是故偈言一切世間法不可得為喻故數勝者如經百分不及一乃至算數譬喻所不能及故以數無限齊故攝得餘數應知力勝者如經不及一歌羅分故无似勝者此福德中數不相似以此福德不可數故如經數不能及故因勝者

金剛經論卷下 第十一

因果不相似此因果勝彼因果故如經乃至優波尼沙陀分不及一故又此法實勝無有世間法可喻此法故偈言一切世間法不可得為喻故如是此福德中彼福微少是故无法可喻

經曰須菩提於意云何汝謂如來作是念我度眾生耶須菩提莫作是見何以故實無有眾生如來度者佛言須菩提若有實眾生如來度者如來則有我人眾生壽者相須菩提如來說有我者則非有我而毛道凡夫生者以為有我須菩提毛道凡夫生者如來說名非生是故言毛道凡夫生

論曰復有疑若是法平等相無有高下者云何如來名為度眾生自下經文為斷此疑云何斷疑偈言平等真法界佛不度眾生以名共彼陰不離於法界

此義云何眾生假名與五陰共故彼名共陰不離於法界得言不離於法界故彼法界无老別故偈言平等真法界故是故如來不度一眾生得言

佛不度衆生故如經何以故實無有衆生如來度者故佛言須菩提若有實衆生如來度者如來則有我入衆生壽者相者此明何義偈言
取我度為過 以取彼法是 取度衆生故 不取取應知

此義云何若如來有如是心五陰中有衆生可度者此是取相過以著彼法故偈言取我度為過故以取彼法是者以取五陰中是衆生故取度衆生故者欲令衆生得解脫有如是相故經復言須菩提如來說有我者則非有我而毛道凡夫生者以為有我者此義云何偈言不取取應知故此以何義以彼不實義是故彼不取以不取者即是毛道凡夫取而即是不取故言不取取故又須菩提毛道凡夫生者如來說名非生者不生聖入法故言非生
經曰須菩提於意云何可以相成就得見如來不須菩提言如我解如來所說義不以相成就得見如來佛言如是如是須菩提不以相成就得見

如來佛言須菩提若以相成就觀如來者轉輪聖王應是如來是故非以相成就得見如來
論曰復有疑雖相成就不可得見如來以非彼體以如來法身為體而如來法身以見相成就比智則知如來法身為福相成就自下經文為斷此非是色身相可比知如來 諸佛唯法身轉輪王非佛

此義云何有人言福德能成是相果報以成是相故則知福德力得大菩提若如是如來則以相成就得阿耨多羅三藐三菩提為遮此故如經若以相成就觀如來者轉輪聖王應是如來是故非以相成就得見如來故此義云何偈言
非相好果報 依福德成就 而得真法身 方便異相故
此明何義法身者是智相身福德者是異相身故
經曰今時世尊而說偈言
若以色見我 以音聲求我 是人行邪道

不能見如來 彼如來妙體 即法身諸佛是體不可見 彼識不能知
論曰此偈說何義偈言
唯見色聞聲 是人不知佛 以真如法身非是識境故

此示何義如來法身不應如是見聞不應如是見聞者不應如是見色聞聲以何等入不能見謂凡夫不能見故偈言唯見色聞聲是人不知佛故如經是人行邪道不能見如來故是人者是凡夫人不能見真如法身如經彼如來妙體即法身諸佛法體不可見彼識不能知故
經曰須菩提於意云何如來可以相成就得阿耨多羅三藐三菩提須菩提莫作是念如來以相成就得阿耨多羅三藐三菩提須菩提汝若作是念菩薩發阿耨多羅三藐三菩提心者說諸法斷滅相須菩提莫作是念菩薩發阿耨多羅三藐三菩提心說諸法斷滅相何以故菩薩發阿耨多羅三藐三菩提心說諸法斷滅相須菩提若善男子善女人以滿恒河沙等世界七寶持用布施若有菩薩知一切

金剛經論卷下 第五張 證

我得無生法忍此功德勝前所得福德須菩提以諸菩薩不取福德故須菩提白佛言菩薩云何菩薩不取福德佛言須菩提菩薩受福德不取福德是故菩薩取福德論曰有人起如是心若不依福德得大菩提如是諸菩薩摩訶薩則失福德及失果報自下經文為斷此疑云何斷疑偈言

不失功德因 及彼勝果報 得勝忍不失 以得无垢果 示勝福德相 是故說譬喻 是福德無報 如是受不取

此義云何雖不依福德得真菩提而不失福德及彼果報何以故以能成就智慧莊嚴功德在嚴故何故依彼福德重說譬喻得言得勝忍不失以得無垢果故此義云何有人起如是心諸菩薩摩訶薩得無生法忍以得出世間智失彼福德及以果報為避此故示現福德不失而更得清淨殊勝功德是故不失如經何以故菩薩發阿耨多羅三藐三菩提心者於法不說斷滅相故若復有菩薩知一切法無我得无生法忍者有二種無我

金剛經論卷下 第十六張 證

不生二種无我相是故受而不取如經佛言須菩提菩薩受福德不取福德是故菩薩取福德故云何菩薩受福德不取福德得言是福德無報如是受不取故此義云何取者彼福德得有漏果報以有漏果報故彼福德可訶如是取者名之為取如取非道故此福德無報无報者無彼有漏報是故此福德受而不取經曰須菩提若有人言如來若去若來若住若坐若卧是人不解我所說義何以故如來者無所至去无所從來故名如來論曰若諸菩薩不受彼果報云何諸菩薩福德眾生受用得言

是福德應報 為化諸眾生 自然如是業 諸佛現十方

此義云何明諸佛化身有用彼法身諸佛不去不來故得言自然如是業諸佛現十方故此復何義得言

去來化身佛 如來常不動 於是法界處 非一亦不異

此明不去不來義故如經何以故如來者無所至去无所從來故此義云何

金剛經論卷下 第十七張 證

若如來有去來老別即不得言常如是住常如是住者不變不異故經曰須菩提若善男子善女人以三千大千世界微塵復以介許微塵世界碎為微塵阿僧祇須菩提於意云何是微塵眾寧為多不須菩提言彼微塵眾甚多世尊何以故若是微塵眾實有者佛則不說是微塵眾何以故佛說微塵眾則非微塵眾是故佛說微塵眾世尊如來所說三千大千世界則非世界是故佛說三千大千世界何以故若世界實有者則是一合相如來說一合相則非一合相是故佛說一合相佛言須菩提一合相者則是不可說但凡夫之人貪著其事何以故須菩提若人如是言佛說我見人見眾生見壽者見須菩提於意云何是人所說為正語不須菩提言不也世尊何以故世尊如來說我見人見眾生見壽者見即非我見人見眾生見壽者見是名我見人見眾生見壽者見須菩提菩薩發阿耨多羅三藐三菩提心者於一切法應如

是知如是見如是信如是不住法相何以故須菩提所言法相法相者如來說即非法相是名法相須菩提若有菩薩摩訶薩以滿無量阿僧祇世界七寶持用布施若有善男子善女人發菩薩心者於此般若波羅蜜經乃至四句偈等受持讀誦為他人說其福勝彼無量阿僧祇云何為人演說而不名說是名為說

論曰碎微塵譬喻者示現何義偈言此界作微塵此喻示彼義微塵碎為末示現煩惱盡

此明何義偈言於是法界處非一亦非異故彼諸佛如來於真如法界中非一處住亦非異處住為示此義故說世界碎微塵喻此喻示現何義偈言微塵碎為末示現煩惱盡故此喻非聚集微塵眾示現非一喻此義云何偈言

非聚集故集非唯一喻聚集處非彼非是差別喻此義云何如微塵碎為末非一處住以無有聚集物故亦非異處差別以

聚集微塵差別不可得故以差別不住故如是諸佛如來遠離煩惱障住彼法界中非一處住亦非異處住如是三千世界合相喻非聚集故此以何義如經如來說一合相則非一合相是故如來說一合相故若實有一物聚集如來則不說微塵聚集如是若實有一世界如來則不說三千大千世界如經若世界實有者則是一合相故但凡夫之人貪著其事者以彼聚集无物可取虛妄分別是故凡夫妄取若有實者即是正見故知妄取何故凡夫無物而取物如經佛言須菩提一合相者則是不可說但凡夫之人貪著其事如是等此示何義偈言

但隨於音聲凡夫取顛倒非無二得道遠離於我法

如經何以故須菩提若人如是言佛說我見人見眾生見壽者見如是乃至是名我見人見眾生見壽者見故此復何義偈言非無二得道遠離於我法故此義云何非无我無法離此

二事而得菩提云何得菩提遠離彼二見故得於菩提偈言遠離於我法故此復何義偈言

見我即不見無實虛妄見此是微細障見真如遠離

是故見即不見无其實義以虛妄分別以是無我是故如來說彼我見即是不見以其无實無實者即是无物以是義故說我見即是虛妄見如是示現我見不見故見法者亦是不見如經須菩提菩薩發阿耨多羅三藐三菩提心於一切法應如是知如是見如是信如是不住法相故此復何義以見法相即不見相如彼我見即非見故何故此二見說名不見偈言此是微細障見真如遠離故此復云何彼見我見法此是細障以不見彼二故是以見法而得遠離偈言見真如遠離故又如是知如是見如是信者此示何義偈言
二智及三昧如是得遠離化身示現福非无無盡福
此義云何示現世智第一義智及依

金剛經論卷下 第五十四 淨字

止三昧得遠離彼障是故重說勝福
譬喻此示何義偈言化身示現福非
無無盡福故此復何義雖諸佛自然
化身作業而彼諸佛化身說法有無
量無盡無漏功德故云何為人演說
而不名說是名為說者何故如是說
偈言

諸佛說法時不言是化身以不如是說
是故彼說正

此義云何若化身諸佛說法時不言
我是化身是故彼所說是正說若不
如是說者可化眾生不生散心何以
故以不能利益眾生即彼說是不正
說是故不說我是化佛

經曰
一切有為法如星譬燈幻露泡夢電雲
應作如是觀

論曰復有疑若諸佛如來常為眾生
說法云何言如來入涅槃為斷此疑
是故如來說彼偈喻其義云何偈言
非有為非離諸如來涅槃九種有為法
妙智正觀故

此義云何諸佛涅槃非有為法亦不

金剛經論卷下 第五十四 淨字

離有為法何以故以諸佛得涅槃化
身說法示現世間行為利益眾生故
此明諸佛以不住涅槃以不住世間
故何故諸佛示現世間行而不住有
為法中偈言九種有為法妙智正觀
故此以何義如星宿等相對法地種
正觀故此九種正觀於九種境界應
知觀何境界偈言

見相及於識器身受用事過去現在法
亦觀未來世

云何觀九種法譬如星宿為日所映
有而不現能見心法亦復如是又如
目有瞽則見毛輪等色觀有為法亦
復如是以顛倒見故又如燈識亦如
是依止貪愛法住故又如幻所依住
處亦如是以器世間種種若別無一
體實故又如露身亦如是以少時住
故又如泡所受用事亦如是以受想
因三法不定故又如夢過去法亦如
是以唯念故又如電現在法亦如是
以剎那不住故又如雲未來法亦如
是以於子時阿黎耶識與一切法為
種子根本故觀如是九種法得何等

金剛經論卷下 第五十四 淨字

功德成就何智偈言
觀相及受用觀於三世事於有為法中
得无垢自在

此義云何觀有為法三種一觀有為
法以觀見相識二者觀受用以觀器
世間等以何處住以何等身受用何
等三者觀有為行以何等法三世轉
老別如是觀一切法於世間法中得
自在故偈言於有為法中得无垢自
在故

佛說是經已長老須菩提及諸比丘
比丘尼優婆塞優婆夷菩薩摩訶薩
一切世間天人阿修羅乾闥婆等聞
佛所說皆大歡喜信受奉行
諸佛希有捨持法不可稱量深句義
從尊者聞及廣說迴此福德施群生
金剛般若波羅蜜經論卷下

金剛般若波羅蜜經論卷下

校勘記

- 一 底本，金藏廣勝寺本。
- 一 一五一頁中二〇行「國土」，**資**、**磧**、**普**、**南**、**徑**、**清**、**麗**作「世界」。
- 一 一五二頁上二行第六字「心」，諸本作「名」。
- 一 一五二頁上一四行第二字「世」，**麗**作「三世」。
- 一 一五二頁上一九行第五字「此」，**資**、**磧**、**普**、**南**作「於」。
- 一 一五二頁下七行第二字「彼」，**石**、**磧**、**麗**作「佛」。
- 一 一五二頁下一五行「故何以故」，**石**、**麗**作「故何故」；**資**無；**磧**、**普**、**南**、**徑**、**清**作「何故」。
- 一 一五三頁上一二行首字「故」，諸本無。
- 一 一五三頁中二二行「一切」，**磧**、**普**、**南**、**徑**、**清**作「修一切」。
- 一 一五三頁下一四行第九字「義」，

- 石**、**麗**作「何義」。
- 一 一五四頁上一行第一〇字「根」，**資**、**磧**、**普**、**南**、**徑**、**清**、**麗**作「法」。
- 一 一五四頁下一行第六字「此」，**石**、**麗**作「以此」。
- 一 一五五頁上六行「取取」，**磧**、**普**作「取彼」。
- 一 一五五頁上六行、上一四行「取取」，**南**、**徑**、**清**作「取彼」。
- 一 一五五頁中六行第一〇字「智」，**麗**作「知」。
- 一 一五五頁下二行首字「是」，諸本作「法」。
- 一 一五五頁下三行「此偈」，諸本作「此二偈」。
- 一 一五五頁下七行第一〇字「如」，諸本作「如是」。
- 一 一五五頁下一五行「菩提」，諸本作「菩提耶」。
- 一 一五五頁下二〇行共十九字，**麗**無。
- 一 一五五頁下二一行第一六字至二

- 二行第四字「心不說諸法斷滅相」，**石**作「心者於法不說斷滅相故」；**資**、**磧**、**普**、**南**、**徑**、**清**作「心者於法不說斷滅相」；**麗**作「心者不說諸法斷滅相故」。
- 一 一五六頁上三行「云何菩薩」，**石**、**麗**作「菩薩云何」；**資**、**磧**、**普**、**南**、**徑**、**清**作「菩薩」。
- 一 一五七頁上八行第二字「福」，**石**作「福德」。
- 一 一五七頁上一一行「此界」，諸本作「世界」。
- 一 一五七頁中四行第六字「合」，諸本作「一合」。
- 一 一五七頁下五行第二字「真」，**資**、**磧**、**普**作「其」。
- 一 一五七頁下一二行第四字「心」，**資**、**磧**、**普**、**南**、**徑**、**清**作「心者」。
- 一 一五七頁下一七行第九字「細」，**石**、**麗**作「微細」。
- 一 一五八頁上一五行「經曰」，**資**、**磧**、**普**、**南**、**徑**、**清**作「經曰尔時世

尊而說偈言」。

一 一五八頁上二〇行「說彼」，**石**、**資**、**磧**、**晉**、**南**、**徑**、**清**作「即說」。

一 一五八頁上二〇行第九字「其」，諸本作「此」。

一 一五八頁中六行「地種」，諸本作「九種」。

一 一五八頁下四行第一一字「一」，**資**、**磧**、**晉**、**南**、**徑**、**清**作「一者」。

一 一五八頁下一一行首字「佛」，諸本作「經曰佛」。